

## REGLUGERÐ

um (30.) breytingu á reglugerð um gerð lyfseðla og ávísun lyfja, afgreiðslu þeirra og merkingu nr. 421/1988.

1. gr.

Eftirfarandi er felld úr viðauka 4 við reglugerðina:

Efni.	Hámarks magn og/eða takmarkanir.	Dæmi um lyf og lyfjaform er selja má án lyfseðils.	Áletrun og/eða upplýsingar á fylgiseðli, sem afhenda skal með lyfinu.
Levonorgestrelum Ethinylestradiolum	Töflur. Í hverri töflu levonorgestrelum 0,25 mg, ethinylestradiolum 50 míkrog. Mest 4 stk. handa einstaklingi.	Tetragynnon, töflur.	Fylgiseðill samkvæmt ákvörðun lyfjanefndar ríkisins.

2. gr.

Eftirfarandi er bætt við viðauka 4 við reglugerðina:

Efni.	Hámarks magn og/eða takmarkanir.	Dæmi um lyf og lyfjaform er selja má án lyfseðils.	Áletrun og/eða upplýsingar á fylgiseðli, sem afhenda skal með lyfinu.
Codeini phosphas Ibuprofenum	Lyfjaform í afmældum skömmtum. Einstakur skammtur mest 10 mg/200 mg. Mest 10 stk. handa einstaklingi.	Íbúkód, töflur.	Fylgiseðill samkvæmt ákvörðun lyfjanefndar ríkisins.
Penciclovirum	Lyfjaform í afmældum skömmtum. Einstakur skammtur mest 1 túpa eða 20 mg.	Vectavir, krem	Fylgiseðill samkvæmt ákvörðun lyfjanefndar ríkisins.

3. gr.

Reglugerð þessi, sem sett er samkvæmt heimild í 44. gr. lyfjalaga nr. 93/1994, öðlast gildi 1. nóvember 1998.

*Heilbrigðis- og tryggingamálaráðuneytinu, 13. október 1998.*

**Ingibjörg Pálmadóttir.**

*Einar Magnússon.*

## AUGLÝSING

um staðfestingu á aðalskipulagi Borgarbyggðar 1997-2017.

Samkvæmt skipulags- og byggingarlögum nr. 73/1997 hefur ráðherra þann 19. október 1998 staðfest aðalskipulag Borgarbyggðar 1997-2017.

Staðfestingin tekur til þéttbýlis í Borgarnesi, og næsta nágrenni, en frestað er aðalskipulagsgerð annarra hluta sveitarfélagsins.

Staðfesting þessi nær ekki til svæða umhverfis núverandi og fyrirhugaða legu Hringvegar 1 og er fyrirvari gerður á tilhögun deiliskipulags á þeim svæðum þar til mat á umhverfisáhrifum hefur farið fram um legu þjóðvegarins.

Uppdrættir og greinargerð hafa hlotið þá meðferð sem skipulags- og byggingarlög mæla fyrir um. Bæjarstjórn Borgarbyggðar hefur samþykkt aðalskipulagsáætlunina og Skipulagsstofnun mælt með staðfestingu hennar.

Jafnframt fellur úr gildi aðalskipulag Borgarness er staðfest var 30. mars 1978.

*Umhverfissráðuneytinu, 19. október 1998.*

**Guðmundur Bjarnason.**

Magnús Jóhannesson.

## AUGLÝSING

### um staðfestingu á breytingu á svæðisskipulagi Þingvalla-, Grímsnes- og Grafningshreppa 1995-2015, Þingvallavegur nr. 36.

Að ósk sveitarstjórnar Þingvallahrepps hefur ráðherra þann 19. október 1998 staðfest breytingu á svæðisskipulagi Þingvalla-, Grímsnes- og Grafningshreppa 1995-2015, frá 17. desember 1996, sbr. 2. mgr. 14. gr. skipulags- og byggingarlaga.

Óveruleg breyting er gerð á legu Þingvallavegar nr. 36.

Lögbundið mat á umhverfisáhrifum hefur farið fram sbr. úrskurð skipulagsstjóra dags.

22. apríl 1998 og úrskurð ráðuneytis dags. 28. júlí 1998.

Uppdrátturinn hefur hlotið þá meðferð sem skipulags- og byggingarlög mæla fyrir um.

*Umhverfissráðuneytinu, 19. október 1998.*

**Guðmundur Bjarnason.**

Magnús Jóhannesson.

## AUGLÝSING

### um umferð í Reykjavík.

Samkvæmt heimild í 81. gr. umferðarlaga nr. 50/1987 og að fenginni tillögu borgarráðs hefur verið ákveðið:

1. að lagning ökutækja í Ánanaustum, húsagötu, sé bönnuð annars staðar en í bílastæðum sem liggja þvert á götuna.
  2. að umferð á Ánanaustum, húsagötu, víki gagnvart umferð á Holtsgötu.
  3. að umferð á Ánanaustum, húsagötu, víki gagnvart umferð á Vesturgötu.
- Ákvörðun þessi hefur þegar tekið gildi.

*Lögreglustjórinn í Reykjavík, 20. október 1998.*

**Georg Kr. Lárusson settur.**